

Johann Quistorp

**Programma Quo Rector Universitatis Rostochiensis Johannes Quistorpius, D. & Theol. Facult. Senior, Ad Exequias Quae ... Dn. Theodoro Varenmeyer/ I.U. Doctori & Consistorii Provincialis Megapolitani Fiscali, Hodie ... a filia maestißima parabuntur. Omnes & singulos Academiae Cives invitat**

Rostochii: Kilius, 1642


<http://purl.uni-rostock.de/rosdok/ppn777159546>

Druck Freier  Zugang



Quistorp, J.,  
in Th. Varenmeyer  
Rost. 1642.
















PROGRAMMA

QVO

RECTOR

Vniversitatis Rostochiensis

JOHANNES QVISTOR-



US D. & Theol. Facult.

Senior,

AD

EXEQUIAS

QUÆ.

Viro Clarissimo & Consultissimo

DN. THEODORO

WARNECKEN/

J. V. Doctori & Consistorij Provin-

cialis Megapolitani Fiscali,

*Hodie media prima in templo Mariano*

*à filiâ mastissima parabuntur.*

Omnes & singulos Academiae Civis invitatur



ROSTOCHII,

Typis NICOLAI KILII, Acad. Typogr.

ANNO M. DC. XLII.

281

7





**D**E Helenâ, cum mari-  
tum suum & Telemachum  
hospitem Convivio exceptos  
& mœrori immersos, exhila-  
rare cuperet, Homerus Odyss.  
d. refert, quod illis herbam  
Nepenthes in Vino propinarit, cujus ea virtus  
est, ut epota dolorem & animi mœrorem ex-  
pellat, & bibentes hilares lætosq; præstet.  
Quænam sit Nepenthes herba, inter Physicos  
& Botanicos non convenit: Alij herbam,  
quæ Helenium dicitur; alij Buglossam; alij a-  
liam herbam esse affirmant. At, dum Physici  
& Botanici sollicitè, quæ hæc herba sit, quæ-  
runt, imprudente, in eam incidunt, ac nec sibi  
cognitam degustant. Genium enim Ne-  
penthis Mors est, quæ mortalibus, *Φάρμακον*  
*νήπενθες*, hoc est si nomen veritas, potum dolo-  
rem & mœstitiam expectorantem propinat.  
Quantisper enim vitam hanc mortalem vivi-  
mus, ad satietatem illa nobis amarorem pro-  
ponit, quam non degustamus amplius, post-  
quam verâ in Christû fide decedentes Nepen-  
thes verum, hoc est, mortem bibimus. Ne-  
penthis



penthes hoc, ceu nectar suavissimum, ante sex  
dies gustavit Vir Consultiss. & Clariss. THEO-  
DORUS **Varenmeyer** / J. U. D. eximius, Cujus  
potu omnis vitæ hujus mœstitia excussa, mœ-  
ror, dolor, & quicquid eum in vitâ exercuit,  
depulsum est. Hæc omnium difficultatum  
oblivionem attulit, & ad melioris vitæ lætitiã  
& gaudia perduxit. Natus est Vir hic Clarif-  
simus Osnabrugæ Anno 1587. 9. April. Paren-  
te amplissimo, Dn. JACOBO VARENMEJERO  
J. U. L. ac Reverendiss. & Illustrissimi Princi-  
pis ac Domini, Dn. PHILIPPI SIGIS-  
MUNDI, Ducis Brunovicensis & Lunæbur-  
gensis, postulati Osnabrugens. & Verdensium  
Episcopi, Consiliario & Gogravio; Matre  
CATHARINA **Storcks** / ex pervetusta & cele-  
bri STORCKIORUM à multis annis Consu-  
lum & Senatorum familiã Oriunda. Avus pa-  
ternus fuit **Dieterich Varenmeyer** / civis Osnab-  
rugensis primarius; Avia materna ELISA-  
BETHA von **Rinthehn** / ex antiqua itidem &  
primariã Rinteliorum profapiã. Parentes à  
prima statim pueritiã pietatis Christianæ ini-  
tia ipsi instillârunt, eundemq; crescente pau-  
lulum ætate præceptoribus & privatis & pub-  
licis ulterius erudiendum, nullis parcentes  
sumtibus, tradiderunt; quorum informatio-



ne tantum in studijs profecit, ut ex Patris con-  
filio ad Scholam quandam celebriorem ab-  
legari potuerit. Relictâ patria Anno 1604.  
anno ætatis 17. *Hannoveram* missus est; Ubi  
per sesquiannum magno cum studiorum  
suorum fructu Dn. M. CHRISTIANUM BECK-  
MANNUM Rectorem, docentem audivit. Quo  
defuncto, parentum jussu Anno 1606. mense  
Majo ad illustre Gymnasium Lemgovien-  
se recepit, ibiq; per annum ferè Viri Cl. Dn. M.  
SYLVESTRI PRYBENII, Philosophi acutis-  
simi, non sine fructu auditor fuit. Hinc à pa-  
rentibus domum evocatus: Anno 1607. men-  
se Aprili, Parentum Consilio ad illustrem Aca-  
demiâ Juliam ablegatus, in quâ per inte-  
grum biennium cum dimidio ferè substitit,  
ac Jurisprudentiæ operam dare cœpit. Inde  
cb grassantem pestem, aliaq; quæ metueban-  
tur incommoda, patriam sub initium Au-  
tumni Anno 1609. repetivit, ubi per mensem  
unum atq; alterum commorari, & ad conti-  
nuanda studia Coloniam Agrippinam perge-  
re animus erat, Verùm cū propter recens tū  
exortum bellum Juliacense, ob militum cre-  
berrimas deprædationes, itinera redderentur  
minùs tuta, hyemisq; injuria & inclementia  
augeretur, per toât hyemem in Patriâ ipsi sub-  
sisten-



sistendum fuit. Mutatâ itaq; sententia *Rosto-*  
*chiensem Academiam* elegit, ad quam *Comite*  
*Cognato* Dn. CHRISTOPHORO SLAPHIO,  
Anno 1610. 22. April. contendit. Quæq; 5. Maij  
& illum & comitem suum salvum & incolu-  
mem excepit, ac non degenerem Civem per  
integrum septennium habuit: Anno enim 1617  
quod hîc & alibi didicisset, publicè ostendit.  
Ambijt summos in Jure honores Doctorales,  
& Magnifico & Consultissimo Viro Dn. ERNE-  
STO COTHMANNO J. U. D. & Professore celes-  
tissimo, ac illustrissimi atq; celsissimi Principis  
Megapolitani JOHANNIS ALBERTI lauda-  
tissimæ memoriæ Cancellario spectatissimo,  
conferente 22. Maij, ex ambijt. Postquam antè,  
de jure non scripto, cum applausu intelligen-  
tium disputasset. Eodem anno & die divinâ  
providentia disponente scitu atq; voluntate  
parentum lectissimam Virginem ELISABETHAM  
BACKMEISTERIANAM, Cl. Dn. D JOHANNIS BACK-  
MEISTERI Professoris Academiæ hujus celes-  
tissimi filiâ, vitæ accepit consortem, cum quâ An-  
1628. parentes visendi, animiq; gratiâ in Patriâ  
Osnabrugum abijt, & paulò post salvus cum  
Comitatu suo ad nos redijt. Conjugi suæ con-  
vivens Pater factus est duorum liberorum, *fili-*  
*oli* unici, sed in partu suffocati, & filiæ CATHA-



RINÆ, quæ adhuc in vivis est. At non fuit diurnum hoc Conjugium, nam Anno 1620. 8. Septemb. vitæ consortem suavissimam ELISABETHAM BACMEISTERIAM amisit. Quum autem difficultates domesticæ non permetterent, ut in cælibatu perseveraret, Finito anno luctûs integro, suafu Cl. Dn. Soceri, D. Johannis Bacmeisteri, & aliorum amicorû, ad secunda Vota perrexit, & divinâ disponente gratiâ, pijsq; precibus præmissis oblata est ipsi Elisabetha. *Dyls* / fœmina lectissima, Petri Drewenstedij, Civis apud nos præcipui Vidua, cum quâ Anno 1621. 27. Novembr. nuptias celebravit. Non solum jucundissimum, sed & fertile hoc fuit Conjugium: In quo tres ex se natos filios, *Jacobum, Theodorum Christophorum, Anthonium Henricum*, filiam unam *Elisabetham* vidit. Vidit, inquam, sed non ad annos multos eorum delitijs ipsi frui concessum est. Vitâ enim hanc ingressos liberos hos quatuor, intra annos paucos ex eâdem ad meliorem, is quem penes Vitæ mortisq; jus est, avocavit. In hoc Conjugio secundo, emortuo ille amaror accessit, quod cum mœrore animi etiam hanc sibi secundam Conjugem mortis violentia Anno 1632. 6. Februarij abripi expertus est. Quamvis jam secundum viduus factus, nihil maluisset, quam



quam omnem vitam viduitati consecrare, non  
id tamen curæ domesticæ permittebant. Qua-  
re & de tertia Coniuge dispicere necesse ha-  
buit: Quam, Deo ita rem moderante, impetra-  
vit fœminam lectissimam *Catharinam Hassen/*  
Consultissimi Viri Dn. MATTHÆI ROBERI  
J. U. D. & Consulis Perlenbergensis relictam  
viduam. Factum id est Anno 1634. Cum quâ,  
sed sine prole, suaviter quinquennium in ma-  
trimonio vixit, & mense Junio Anno 1638.  
mortis vi abreptam acerbè luxit. Toties ergo  
suavissimarum Coniugum Consortio privatus  
animum obfirmavit, vitam omnem viduam  
agere, & de repetendâ Coniuge cogitationes  
seposuit. Ab eo ergo tempore Viduus, quod  
& ante fecerat, sui satagit officij, vices Amplif-  
simi & Consultissimi Viri Dn. LAURENTII  
STEPHANI J. U. D. & Professoris, in Aca-  
demiâ sibi demandatas, cum ipse in aula Illu-  
strissimi & Celsissimi Principis Johannis Al-  
berti *vũv cũ à 270is* Consiliarius viveret, sustinuit:  
functionem item Fiscalis, quam acceperat in  
Ducali Consistorio ornavit, ac insuper Clie-  
tibus Patronus, fidelem ac diligentem operam  
præstitit. Cumq; ante biennium Patriæ amore  
ductus, eam inviseret, minus ad nos validus re-  
versus



versus est. Ab eo tempore malè habere cæpit; augmenta morbus sumfit, qui illum per annum fermè integrum lecto affixit; cum Scorbuto, Atrophiâ, vaga arthritide, recurrentibus sumis identidem doloribus interim conflictatus est; donec verâ in Salvatorem fiduciâ 22. die Januarij verum, nepenthes gustavit, & circa undecimam meridianam, ætatis anno 55. animam ei, à quo acceperat, reddidit. Exuvia Corporis hodie ad mediam primam Terræ matri reddentur. Adeste frequentes Academia Civēs, & honorem ultimum frequenti comitatu emortuo exhibete. P. P. Rostochij, 27. Januarij, Anno 2842. Sub sigillo Rectoratus.

*Convēntus fiet hodie hora media prima in Templo Mariano.*





















